

The Presbyterian Church of India
ZOU PRESBYTERIAN CHURCH SYNOD



SEPGUOL VAIGUON 2024

Thupi:
“Pasian pom tah Kithoina”
(Rom 12:1)

To,

.....

.....



The Presbyterian Church of India ZOU PRESBYTERIAN CHURCH SYNOD

Regn. No. 198 of 2005 Under the Manipur Societies Registration Act. 1989 (Act. No. 1 of 1990)
Zomi Colony, Lamka, Manipur, India. Post Box-48, PIN - 795128

Website: www.zousynod.org | zpcs@rediffmail.com / zousynod@gmail.com

THUMAPUI

Pasian panpina toh leitung buoina, gal-le-sa kawmkal ah September tung tou kia i hita ua, tam tan chieng hing mapuitu i biech Pasian kung ah kipah thu i tut masa uhi.

Tu in 20th Synod Session thuphasah No. 34 leh Synod Executive Committee Report No. 30 (Vide 5th SEC R/No. 18) phasah bang in **“Pasian pom tah Kithoina”** Rom 12:1 chi thupi zang a Sepguol Vaiguon bawl ding in Rev. Kaimuanlal guot ahi toh kituoh in ahun tah a tawi thei a i um ziehun Pasian min i phat ua, a hing buoipitu tung ah zong kipah thu i gen uhi.

Pasian in hing lungsiet in i galte un khatvei thu a tha chimit ding ahing sawm lai un, ahuntah in Pasian in a hing hundam a, Pasian hoina zal i zou uhi. Tuabang kawmkal ah tuni tan in hinna tamtah i taan ban uah liemnabaina tuoh tamtah um in innlelou lu theinawnlou zong i um ua, shileman tuohte i suun ban uah liemnabaina tuoh leh innlelou lu thei nawntaloute i dapi mama uhi.

Bangteng hileh buoina kawmkal ah Biehinn kai thei leh Pasian bekhawm thei nalai i hina uah tam i Sepguol thupi uh zang a, thumna toh pan la chiet ding leh i chilenam leh Hattuum misiengthoute Pasian mai a pomtah Kithoina hi thei ding in pang va ui. Pasian muong in Hattuumten Biehinn leh Innvena a i zah thei dandan ua September ha sung zang chiet a, Pasian maipha sui in thumna toh zang chiet ding in i kingen uhi.

Tualeh Vaiguon pen inntot ahiei Biehinn a man ding pen Localte lemtan dandan ahi ding hi.

Mangpa'n Hattuum misiengthoute hing vengbit in hing mapui chietta hen.

Rev. Dr. Hangpi Manlun
Sr. Executive Secretary

SEPGUOL VAIGUON - 2024

Thupi: Pasion pom tah Kithoina (Rom 12:1)

September 01, 2024 Pasianni (Nitah 05:30pm)

* Texts: Siemchilbu 4:3-6; Danpiehnina 12:31; 2 Lengte 3:26-27

Puitu	:	
Sepguol vaiguon honna	:	
Thumkhawmma	:	
Tuohkhawm lantu	:	
Thugentu	:	
Tawpna	:	

• Thupi: **KITHOINA**

- * Kithoina kichi sil poimaw tah ana hi ngei ding a, leitunga mihingten i biehn penpen uh kungah kithoina sillat ana kibawl zel hi. Kithoina khu i biehn pen kipahsahna ding, lunghawlina, suhlungkimna dinga ama a pat sil bangkim ah, a guolzawlina i tanna ding lametna zieh a kipiehkhietna ahia, mihingten i sil chiin khat uh ana hi dan ahi.
- * Bible a Kithoina sillat ana bawl masapente khu mi masa Adam leh Evi tate Kain leh Abel ana hi uhi.
- * Kannan mite'n zong a tapate u leh atanute uh khu a pasiente ua dingin kithoina a ana zah zel dan uh ahi. Moab lengpa'n zong a tapa a lengza luo ding a tapa upapen khu halmang sillat in ana lan hi.
- Eite zong Pasion hing i na biehn masang un ipu-ipate un zong a pasiente uh kung ah Kithoina ana bawl zel uhi.
- Kithoina kichi pen Pasion tate hi in gingloute hita leh hun sawt lai peh a ana chiin uh ahita bou hi. Hinanleh Kithoina zousie ah Pasion ana lungkim tuomsih hi.

September 02, 2024 Seppatni (Nitah 05:30pm)

- Text: Siemchilbu 8:20-21

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **KITHOINA SILLAT IN PASIAN KIPAHSAH**
- Leitunga tui tengteng ang kan bep in Pasian in Noah leh a innkuonpi teng kuong apat pawtkhie dingin thu a pie hi. Noah kuong sung apat ang pawt in Pasian a ding in maitam alem a, sa sieng leh va siengte zangin halmang kithoina sillat in a lan hi.
- Noah Kuong sunga ang pawt in Pasian in phut sih nanleh Kithoina sillat a bawl masapen hi. Tua halmang Kithoina sillat gimnam in Pasian a kipahsah mama a, leitung a mihingte sumang nawnlou dingin Pasian in thuhun thuchiem a bawlta hi.
- Noah Kithoina sillatte ah Pasian a lungdam a a kipah mama hi.

September 03, 2024 Sepkiani (Nitah 05:30pm)

- Texts: Siemchilbu 22:1-18; Pawtdohna 20:24

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **HALMANG KITHOINA BAWL DINGIN PASIAN IN A PHUT HI.**
- Pasian in Abraham a ze-et a a tapa neisun Isak khu halmang sillat kithoina a nei dingin a phut hi.
- Abraham in Pasian thupieh bangin a tapa neisun Isak khu halmang sillat dinga a pieh ngam ziehin Pasian Abraham tungah a lungdam mama a, a tapa zong a taan tuomsih a, tualemah in Pasian in Abraham khu sildang tampi in a guolzawlta hi.
- Lungtang pumpi toh siengthou tah a Pasian kunga kipiekhietna khu Pasian kipahna leh a guolzawl tanna ahi zaw hi.

September 04, 2024 Nilaini (Nitah 05:30pm)

• Texts: Kisimnabu 28:1-3; Pawtdohna 29:40-42

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **BANG ACHI LEH PASIAN IN KITHOINA SILLAT BAWL DING A PHUT E?**
- Pasion in Mosi tungtawn in a mite khu kithoina sillat bawl dingin ana phut a, a bawl ding dante zong ana hil hi.
- Bang dinga Pasion in kithoina sillatte ana phut a diei?
- i. A mite'n a Pasion uh ahi dan a manghillouna ding ua ana phut hi ding ahi.
- ii. Migilou, mikhielte toh a kizopmat kia theina ding uleh a kinai thei zelna ding ua ana phut ahi ding hi.
- iii. A Pasion uh ahi dan atu ata khang ua a manghillouna dingua tam bang Kithoina sillatte bawl ding a ana phut zong ahi ngei ding hi.

September 05, 2024 Ningani (Nitah 05:30pm)

• Text: Vaihawmte 11:30, 31, 39

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **KITHOINA CHIZAT HUOI**
- Bible a kithoina chizat huoi khat ahi leh Jephtha kithoina ahi. Jephtha in Mangpa kungah thuchiem a bawl a, Ammon mite ka khut a nang pieh a, galmuong a inn lam ka kilekia a ahileh ka inn kotpi a kipat a kei hing dawn dinga hing pei masa penpen Mangpa a ahi dinga halmang kithoina'n ka lan ngeingei ding hi a chi hi. Jephtha in tua

banga kichiemna chizat huoi leh gimneitah a bawl lai in, galzou a inn lam ang kile lai in a ta neisun a tanu in ana lamdawn masa penta hi. Hinanleh Jeptha in Pasian kunga a kichiemna bangin a bawlta hi.

- Koizong thuchiem a gin um ding ahi dan Jeptha tungtawn ah i mu uhi. Mi khenkhatte'n thuchiem a gin-um zoulou in i kitheimaw bawl kha zel uhi. I thuchiem a gin-um khu Pasian deidan ahi manghil sih va ui.

September 06, 2024 Ziltawpni (Nitah 5:30pm)

- Text: 1 Samuel 13:9-14

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **SAUL SILLAT KHELNA**
- Leeng Saul in Pasian thupieh zuilou a ama ut thu a halmang sillat kithoina mothuoi tah a ana bawl ziehin, a sillat khu a khelna ahi dan leh a leenggam kumtawn a suhdet a um ding khu midang kunga pieh ahitah thu Samuel in Saul kunga ah gen khumta hi.
- Pasian deidan bang ahiei chi suilou a eima deidan leh hoisahna banga nasep khu Pasian kipahna leh lungkimna ahisih hi.

September 07, 2024 Kiginni (Nitah 5:30pm)

- Texts: Isai 1:12-13; 1 Samuel 15:14-22

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi : **KITHOINA SANGIN THUMAN HOIZAW**

- Lungtang tahtah hilou a Pasiann Biehinn a kithoina sillate ahiei, i tahsa pum ahiei, i valatte uh khu Pasiann a dingin panna bei kidah huoi ahi leltah hi.
- Pasiann thu gen dan a umlou, i unaupa ahiei i unaunu ahiei i innsah i innhangte toh kilemloupi a Pasiann be ding a kuon pen a phatuom sih ding hi.
- Saul in thupieh zuilou in, thumanglou in ama phattuum ngaina toh a galte bawngtalte, belamtalte khu Pasiann a kithoina dingin a kai a, Pasiann in akipahpi tuomsih hi.

September 08, 2024 Pasianni (Nitah 5:30pm)

- Texts: 1 Leengte 3:2-3; 1 Leengte 8:62-63

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **KITHOINA LEH KIPAHNA**
- Solomon in Mangpa a it a, a pa David thupiehte leh tawndante a zui a, muolsangte ah kithoina gimnamtuite ana hal zel hi.
- Mangpa min a ding, inn a kibawl masang in Israel mipite’n mun sangte ah kithoina ana bawl zel uhi.
- Solomon in Mangpa min a ding, inn (Biehinn) ang bawl zou bep in Biehinn latna thumna leh thungetnate a nei a, mipite a guolzawl a, bawngtal tulsawm leh tulni leh belam tul zakhat leh tul sawmni in Kithoina leh kipahna in maitam a lan hi.
- I hinkho ua sil khat phot a lawchinna amaw, i sil tupte i tangtun hun chieng ahiei, ahisihleh Pasiann guolzawlina i tante zieh in, Ama kunga nuomthu tut ding khu Pasiann tate’n i manghillou ding uh ahi.

September 09, 2024 Seppatni (Nitah 5:30pm)

• Text: 1 Leengte 18:36-38

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **ELIJAH KITHOINA SILLAT PASIAN IN POMSAH**
- Elijah leh Baal siempute’n koi pen Pasian khu Pasian dihtah ahi zaw ei chia Karmel muol a kidemna (ki-etkhietna) anei lai un, guolnei Elijah in guolzawna ana tang hi.
- Elijah Pasian kunga ah athumna, “Aw Mangpa hing ngai khie inlen, ka thumna hing sanpieh in, tam mite’n nangma khu Pasian na hia, a lungtangte uh nangma lam ah na kileheisah kiata hi chi a thei theina ding un”, a chi hi. Tuachiin Elijah thumna khu Pasian in a sanpieh a, a maitam a kithoina sillat khu mei in a katumta hi.
- Pasian in a tate, lungtang sunggil apat a thumna uh a sanpieh hi. Gingtute khu i umdan, i kamham leh i hinkhuo ua pat a midangte’n Pasian ang mu thei ding uh a poimaw mama hi.

ZOU SYNOD DAY

September 10, 2024 Sepkiani (Nitah 5:30pm)

• Texts: Siempudan 7:12, Ephesa 5:20; Late 118:29

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **KIPATHU GENNA KITHOINA**
- Thuhunlui lai in Israel tate’n Pasian kunga kipahtugenna ana ngai poimaw mama ua, Siempite tungtawn in kipahtugenna kithoina zong ana bawl zel uhi.

- Sawltah Paul in zong Ephesa Hattuumte kunga a laihahna ah, “Silbangkim a i Mangpa uh Jesu Khrist min a Pasian kungah kipahtu gen ngitngat un” ana chi hi.
- * Pasian tate’n silhoi, silpha i tuoh hun chieng mai uh hilou in, vangsietna leh hasat genthei i thuoh hun ua zong Pasian kunga kipahtu gen zel ding ahi.

September 11, 2024 Nilaini (Nitah 5:30pm)

- Texts: Hebrute 13:15 ; Isai 29:13

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **PHATNA KITHOINA**
- Jesu Khrist vangin Pasian kungah Phatna Kithoina sillat tawplou in i lan ding uhi. Tua khu amin a i kipahna puondohna ahi.
- Lungtang tah toh Pasian kungah hun chin in tawplou in ama pahtawina in A min i phat ding uhi.
- Lungtang a ama gamlat a, kam maimai a ama phat leh pahtawina in, Mangpa a lungkim tuom sih hi.

September 12, 2024 Ningani (Nitah 5:30pm)

- Texts: Hebrute 13:16 ; Thupilte14:31

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **PASIAN KIPAHNA KITHOINA**
- Silpha bawl a na hoi sep chite ah Pasian akipah a, tualeh i neisa kiphaltah a midangte, hahsa leh gentheite panpina i piehte sanga Pasian kipahna ding kithoina dang a umsih hi.

- Tasamte hepina nei khu Pasion zatatna ahi lai in, tagate, mizawngte leh tasamte simmaw a bawlgentheih khu a siempa Pasion simmawna ahi.

September 13, 2024 Ziltawpni (Nitah 5:30pm)

- Texts: Siempudan 1: 9-13; Ephesa 5:27

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **HALMANG SILLAT KITHOINA**
- Halmang Sillat Kithoina khu Israel te’n a bawl ding ua, Pasion in Mosi tungtawn a ana thupieh khat ahi. Halmang Sillat Kithoina khu Pasion lungthahna mipite tunga atunlouna dinga ana bawl zel uh ahi.
- Halmang Sillat Kithoina ah ganta ahileh atal nuolna bei ahi sese ding, Belam, Keel, bawng khat penpen ana zang zel uhi. Tualeh vaa lampang ahi leh Palva ahi ding ahi.
- Tuabang maitam tunga Halmang sillat kithoina dingte khu nuolbanglou ahi bangin, Hattuom zong Siengthou leh nuolbanglou ahi ding ahi.
- * Halmang sillat khu Mangpa dinga gimnamtui tah ahi bangin, tulai gingtute, Mangpa a dinga i kilatnate uh khu a gim namtui tah ahi ding ahi.

September 14, 2024 Kiginni (Nitah 5:30pm)

- Texts: Siempudan 4: 14-15, 26 ; 22:22 ; Ephessa 4:32

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **KHELNA SILLAT KITHOINA**

- Thuhunlui lai in Israel tate’n Khelna Sillat kithoina khu ana bawl zel uhi, a silgilou bawl uh theikchieh ahi chiengin, mipi um khawmte’n khiel kithoina dingin bawngtal tuoi khat kimutuona biehbuh kotbul ah a kai zel ua, tualeh mipi umkhawmte’n Mangpa mai ah bawngtal lutung ah akhut uh a ngam ua, tua bawngtal khu Mangpa mai ah ana that zel uhi. Tuachiin akhelna ziehun Siempu in lemna bawlpiehin a khelna uh ngaidam ana hi zel uhi.
- Thuhuntha hun ah vang Mangpa Jesu kung bou ah khelna ngaidamna a um hi.
- Mawna neilou, nuolna bei Bawngtal tunga a khut a ngap ua, a mawmate uh bawngtal tunga a tuh bangin, mawna neilou Jesu Khrist in eite mawna leh khelnate a puo hi.

September 15, 2024 Pasianni (Nitah 5:30pm)

• Texts: Nasepte 14:13, 18 ; 1Korin10:20; Siempudan 20:2-5

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **PASIAN KUNGAH BOU KITHOINA BAWL DING**
- Listra khuo a pasal khat a pien chil a pat kengbai khat sawltah Paul in a suhdam zieh in a Siempupa uh lamkaina in mipite’n bawngtalte leh pahkhite ang tawi ua Sawltahte - Paul leh Barnaba mai a Kithoina bawl a sawm uhi. Hinanleh tua thu azah tah un a puosilte uh a botkeh ua, “Koute zong noute banga mihing ka hi uhi” chi in Kithoina bawl ding a phal pieh sih uhi.
- Pasion tate’n Kithoina pen i bieh Pasion kung bou a bawl ding ahia, milim pasiente amaw, dawite amaw i mihing tanpите kunga bawllou ding ahi.
- Pasion tate’n i lungkham mangbat hun chienga zong Maibi, Maibate, khutlam ensiemte, dawı nasepnate a kingalou a, shi tan a Pasion ma bel tinten zawh ding ahi.

September 16, 2024 Seppatni (Nitah 5:30pm)

- Texts: Ephesa 5:2; Rome 3:24; Phillippi 4:18

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **PASIAN KUNGA KITHOINA NAMTUI DINGA KIPIE**
- Khrist in eite ahing it ziehin Pasian kungah kithoina sillat namtui hidingin ang kipie hi. Tuaziehin eite zong Khrist zal in itna ah i um ding uhi.
- Khrist Jesu a um tatna zal a a hepina ah manbei in siemtansah in i um uhi.

September 17, 2024 Sepkiani (Nitah 5:30pm)

- Texts: Amos 5:21-24 ; Rome 3:25

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **PASIAN POMTHEILOU KITHOINA**
- Dihtatna leh thukhenna dih panglou in, Kithoina sillat tuomtuomte bawl in, Pawite, Khawmpite Pasian phatna leh pahtawina dingin bawl leizong Pasian in tuabang a kithoinate khu a pomthei sih hi.
- Pasian in a dihtatna etsahna dingin Jesu Khrist khu a sisan a ginna zieh a khelna thupha tawina hi dingin a guot hi.

September 18, 2024 Nilaini (Nitah 5:30pm)

- Texts: Danpiehnina 12:6; Malaki 3:8-10; 2 Korinth 9:6-15

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **SILPIEH A KITHOINA**
- Pasian gam nasepna dingin, i hun, i nei, i lamte leh i tha, i zungte khu Kithoina silpieh in Pasian a dingin i piekhe ding hi.
- I tha, i zung, i siemna, i pilna tungtawn a i lamkhiet sumlepaite, i louma a gate khu Pasian kunga Sawmakhat leh silpieh dangdangte dingin Pasian a dihtat leh siengthou tah in i pie ding uhi.
- Pasian kunga silpieh i piehte khu it sasa a pieh ding ahisih a, kiphah tah a i pieh ding ahi. Pasian a dinga i silpiehte uh khu a hoi penpente, nuolna beite i pieh ding ahi. Tami silpieh kithoina nasep khu Pasian gam kehletna dingin a manpha mama hi.

September 19, 2024 Ningani (Nitah 5:30pm)

- Texts: Mathiu 9:13; Siempudan 19:18; Hebrute 10:8

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **HEPINA LEH KITHOINA**
- Juda sakhuo lamkaite'n hepina itna a tasam ua, hinanleh sakhuo sil a kithoina sillatte apoimaw ngai uh, chi Mangpa Jesu'n a thei a, tambang in ana gen hi. "Kithoina deilou in hepina ka lunggul hi chi umdan va zil un", chi in ana gen hi.
- I mihinpite, i chipite huotna neilou ding, phuba lahlou ding, eima i kiit banga i innvengte it ding khu Pasian deidan ana hita bou hi.

September 20, 2024 Ziltawpni (Nitah 5:30pm)

- Texts: Siempudan 3:1-2; Hebrute 10:10

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **LEMNA KITHOINA SILLAT**
- Thuhunlui lai in Israel te’n siempute kunga Pasian toh kilemna dingin, Lemna sillat Kithoina ana bawzel ua, Lemna sillat Kithoina a bawl chiengun, ganta ahileh atal nuolna bei, a ganta tungah a khut uh ngap in tua zou chiengleh a ganta pen that in siempute’n maitam kimvel ah a sisan a the zel uhi.
- Thuhun tha hun ah, tuabangte chiin ngai nawnlou dingin Jesu’n, Pasian toh i kilem kia theina ding un setdet dingin lemna sillat kithoina hi dingin a tahsapum gei ang lankheta hi.

September 21, 2024 Kiginni (Nitah 5:30pm)

- Texts: Phillippi 2:17; Rom 3:25-27; Hebrute 6:6

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **GINNA LEH KITHOINA SILLAT**
- Ginna in thutah a i dinkipna ding un hangsanna ahing pie a, tualeh ginna a kithoina sillat i bawlte un zong Pasian a kipahsah hi.
- Mailam hun a sil hing tung ding mulawhna leh kinepna ziehin Abraham in ginna in a tapa Isak khu kithoina sillat dingin ana pie ngam hi.
- Pasian hepina tang eite’n ginna ziehin hundamna i tang uhi. Pasian hepina tanglou setan leh a lawmte’n gingta nan uleh hundamna a tang thei tuomsih uhi.

- I nei-i lam ah, i tha-i zung Pasion gam kehletna dinga i zahte, i piechte uh khu ginna kithoina sillat ahia, ni khat ni chieng leh ginna zieh a i nasepte uh thaman khu i mu ngeingei ding hi chi manghil sih va ui.
- I ginna siempa leh subukimpa Jesu lamem zing va ui.

September 22, 2024 Pasianni (Nitah 5:30pm)

- Texts: Rom 3:25; Hebrute 9:12, 22

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **SISAN A KITHOINA**
- Sisan a kithoina in ngaidamna leh siemtanna a um hi chi mihing te’n ina gintat dan khat uh zong ahi ngei ding hi. Pasion gingtate hi in gingloute hitaleh sisan suo a kithoina khu ana kichiing hi.
- Thuhunlui lai in Israel te’n ngaidamna tanna dingin gan sisan suo in kithoina ana bawl zel ua, i pu i pa te’n zong sisan suo in kithoina ana bawl zel uhi. Khristian i hi nua un zong khutkhiel-bankhiel khat a um leh gan gou in, gan sisan suo in kilemna leh kingaidamtuona kibawl zel nalai hi.
- Sisan suolou in ngaidamna mawngmawng a umsih hi. Mangpa Jesu’n setdet dingin a sisan in kumtawn a ngaidam i tan theina ding un a hing tankheta hi. Jesu sisan chilou sisan dang in Pasion toh i kal a ngaidamna tahtah a hing pe zousih hi.

September 23, 2024 Seppatni Nitah (5:30pm)

- Texts: Rom 12:1 ; 1Peter 1:15-16

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **KITHOINA HING LEH SIENGTHOU**
- Pasian a dingin kithoina hing leh siengthou i hi theina ding un bang bawl a poimawta diei?
- Pasian a ding a kithoina hing leh siengthou i hi theina ding un i tahsapum uh piekhkiet a ngai hi. Tahsapum piekhkietna khu tahsapum bamengte, i mit, i kam, i lei, i bil, i khut leh i kengte khu khelna gitlouna bawlna a zanglou a, silpha, silhoi bawlna a i zah, i tahsapum suhsiengthou khu Pasian a dinga kithoina hing i hina uh ahi.
- I tahsapum uh et a kilawm leh siengthou mai pen hilou in, i silbawl, i nasep leh i thugente a tahsapum siengthouna ah kinga zaw hi.

September 24, 2024 Sepkiani (Nitah 5:30pm)

- Texts: Mathiu 6:14-15; Ephesa 4:32; Mak 11:25

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **NGAIDAM LEH KITHOINA**
- Pasian in mikhiel ina hi lai ua pat in a hing na it a, A tapa Jesu Khrist ziehin i gitlounate uh a hing ngaidam hi. Jesu'n "midangte na ngaidam sih ua ahileh noute zong ngaidam na hisih ding uh" ana chi hi.
- Ngaidam i tan theina ding un, Jesu'n ama tahsa leh sisan ngei in Kross a kithoina ang bawsah zouta hi. Jesu ngaidamna tangte'n mi ngaidam theilou, ngaidam zoulou chi a nei sih uhi, i tunga midangte gitlouna, hoilounate khu i ngaidam ding ahi.

September 25, 2024 Nilaini (Nitah 5:30pm)

- Texts: Hebrute 13:13-14; 10:12; Johan 3:16

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **KITHOINA LAH A THUPIPEN**
- Khovel a mihing zousie in kumtawn hinna i tan theina dingua Pasian in a tapa tang neisun Jesu Khrist eite khel man pe ding leh shina apat tandoh dinga Kross a kithoina ang bawlpn khu kithoina lahlah a thupipen ahi. Jesu Khrist shina sanga thupi zaw kithoina dang a umsih hi

September 26, 2024 Ningani (Nitah 5:30pm)

- Texts: 1 korinth 13:1; 1 Johan 4:9-11; 1 Peter 4:8

Puitu	:	
Pantu	:	
Thumkhawmma	:	
Tuohkhawm lantu	:	
Thugentu	:	
Tawpna	:	

- Thupi: **ITNA LEH KITHOINA**
- Itna panglou in Pasian kunga kithoina sillatte bawl in, silpieh leh eima tahsapum kilan nanlei a phatuom ding a um sih hi.
- Pasian khu itna ahia, Pasian itna tang te'n midangte itna a nei thei uhi. Pasian in eite a hing it ma bangin eite zong khat leh kiit tuo chiet va ui.
- Eite bangma theilou a ina umlai un zong Pasian in a hing na it zouta hi. Itna i nei uh khu Pasian i bahna leh mu thei a a nua i zui uh kilahna khat ahi.

September 27, 2024 Ziltawpni (Nitah 5:30pm)

- Texts: 1 Johan 2:2; Hebrute 9:28; 10:17-18; Mathiu 12:7

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **KHELNA KITHOINA DANG UMLOU**
- Kithoina tampi ana um in, gan sisan a khelna kithoina sillatte ana um nanleh, tuate in kumtawn a ngaidamna ahing pe zousih hi. Jesu Khrist loungal khelna kithoina dang umlou hi.
- Jesu khu mite khelna pomang dingin khatvei lat in a umta a, Pasion dan thu khu mihingte lungtang a gel ahi tah ziehin mihingte khelna leh dan bei a a gamtatnate uh chiemte ahi nawnsih a, khelna khu ngaidam ahitah ziehin khiel kithoina khu avelvela bawl a ngai nawnsih hi.

DISTRICT KISUHTUONA

September 28, 2024 Kiginni (Nitah 5:30pm)

- Texts: Late 51:16-17; Thupilte 23:26; Mathiu 5:8; 1 Samuel 16:7

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **LUNGTANG A KITHOINA**
- Pasion khu kithoina sillatte sangin lungsim leh lungtang kisiate tungah a lungkim in akipah zaw hi.
- * Lungtang tahtah a Pasion kunga kilatna khu Ama lungkimna pen ahia, lungsim siengthou leh chitahna toh Pasion kungah kipekhe vai.
- Pasion in pulam a kilah dante sangin lungtang lam a enzaw a, “Ka ta na lungtang hung pie in” chipa ahia, mi lungsim siengthouten Pasion a mu ding uhi.

September 29, 2024 Pasianni (Sun 10:30am)

- Texts: Rom 12:1; Rom 14: 17-18

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **PASIAN POMTAH KITHOINA**
- Pasion tate khu khovel tawndante zui nawnlou in, lungsim tha a um in dihtatnate, kilemnate toh Hagau Siengthou a lungnopnate in i um zaw ding uhi.
- Pasion pom tah kithoina hing leh siengthou i hi theina ding un i sapum uh Ama kungah i lan dingua pom tah hi dingin a na sem vai.

September 29, 2024 Pasianni (Nitah 5:30pm)

- Texts: 1 Korinth 5:7; Hebrute 10:10

Puitu :
Pantu :
Thumkhawmma :
Tuohkhawm lantu :
Thugentu :
Tawpna :

- Thupi: **SAPUM KITHOINA**
- Pasion masanga siemtanga kumtawn gam chiem i tan theina ding un, Peikan kut a Belamnou kigou bangin Jesu Khrist khu belamnou thatang in kigou in a shita hi.
- Mangpa Jesu'n ama sapum ngei in kithoina ang siem a, tua khu kumtawn a set det ding in, tuami in eite zong suhsiengthou in i umta uhi. Tua ahiman in eite'n zong i tahsapum uh leh i lungsim uh Pasion masanga pomtah hi ding leh setdet dingin i lan ding uhi.

.....

This image shows a full page of white paper with horizontal dotted lines. The lines are evenly spaced and run across the width of the page, providing a guide for handwriting practice. There are no margins, text, or other markings on the page.

R E C O R D

Date	Amun	Kikhawm Zat	Tuohkhawm
1			
2			
3			
4			
5			
6			
7			
8			
9			
10			
11			
12			
13			
14			
15			
16			
17			
18			
19			
20			
21			
22			
23			
24			
25			
26			
27			
28			
29			
30			
	Total		

September 2024						
Sun	Mon	Tue	Wed	Thu	Fri	Sat
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

CALENDAR 2024

January 2024							February 2024							March 2024							April 2024						
Su	Mo	Tu	We	Th	Fr	Sa	Su	Mo	Tu	We	Th	Fr	Sa	Su	Mo	Tu	We	Th	Fr	Sa	Su	Mo	Tu	We	Th	Fr	Sa
31	1	2	3	4	5	6					1	2	3	31						1	2	1	2	3	4	5	6
7	8	9	10	11	12	13	4	5	6	7	8	9	10	3	4	5	6	7	8	9	7	8	9	10	11	12	13
14	15	16	17	18	19	20	11	12	13	14	15	16	17	10	11	12	13	14	15	16	14	15	16	17	18	19	20
21	22	23	24	25	26	27	18	19	20	21	22	23	24	17	18	19	20	21	22	23	21	22	23	24	25	26	27
28	29	30	31				25	26	27	28	29			24	25	26	27	28	29	30	28	29	30				

May 2024							June 2024							July 2024							August 2024						
Su	Mo	Tu	We	Th	Fr	Sa	Su	Mo	Tu	We	Th	Fr	Sa	Su	Mo	Tu	We	Th	Fr	Sa	Su	Mo	Tu	We	Th	Fr	Sa
			1	2	3	4	30						1		1	2	3	4	5	6					1	2	3
5	6	7	8	9	10	11	2	3	4	5	6	7	8	7	8	9	10	11	12	13	4	5	6	7	8	9	10
12	13	14	15	16	17	18	9	10	11	12	13	14	15	14	15	16	17	18	19	20	11	12	13	14	15	16	17
19	20	21	22	23	24	25	16	17	18	19	20	21	22	21	22	23	24	25	26	27	18	19	20	21	22	23	24
26	27	28	29	30	31		23	24	25	26	27	28	29	28	29	30	31				25	26	27	28	29	30	31

September 2024							October 2024							November 2024							December 2024						
Su	Mo	Tu	We	Th	Fr	Sa	Su	Mo	Tu	We	Th	Fr	Sa	Su	Mo	Tu	We	Th	Fr	Sa	Su	Mo	Tu	We	Th	Fr	Sa
1	2	3	4	5	6	7			1	2	3	4	5						1	2	1	2	3	4	5	6	7
8	9	10	11	12	13	14	6	7	8	9	10	11	12	3	4	5	6	7	8	9	8	9	10	11	12	13	14
15	16	17	18	19	20	21	13	14	15	16	17	18	19	10	11	12	13	14	15	16	15	16	17	18	19	20	21
22	23	24	25	26	27	28	20	21	22	23	24	25	26	17	18	19	20	21	22	23	22	23	24	25	26	27	28
29	30						27	28	29	30	31			24	25	26	27	28	29	30	29	30	31				

SEPGUOL VAIGUON 2024

Thupi:

“Pasian pom tah Kithoina”

(Rom 12:1)

Sepguol 2024 | 2500 Copies